

Vuk'uzenzele

**JOBS
INSIDE**

Produced by Government Communications (GCIS)

Sesotho / English

| August 2016 Edition 2

2016 Elections gets a nod



South Africans came out in numbers to cast their votes in the 2016 Local Government elections.

SANews

Government is pleased with voting during the 2016 Municipal Elections, which proceeded well.

About 26 million South Africans who registered cast their votes in the 22 612 voting stations situated nationally. This is the fourth local government elections.

President Jacob Zuma said the elections are an indication that South Africa is one of the countries in Africa that is leading in democracy.

"I am pleased our country is a demonstration of how democracy should work," said

the President after casting his vote.

Minister of Cooperative Governance and Traditional Affairs Minister Des Van Rooyen also congratulated the Independent Electoral Commission (IEC) for

delivering yet another election.

"Government applauds the youth, especially the first time voters, for their commitment towards advancing our democracy," said Minister Des Van Rooyen, who is also the chairperson of the Inter-Ministerial Committee (IMC) on Elections.

Over 75 000 police members deployed at polling stations ensured that elections were held in a safe environment.

Government has encouraged all citizens to work together with those elected to public office to strengthen

local government.

Chief Electoral Officer of the IEC Mosotho Moepya said the country should be proud of the achievements.

First-time voter, Israel Mnisi from Soshanguve in Pretoria, said he was excited to cast his vote.

"I have long been waiting for this moment, it's exciting, now I know that I have voted for my community to get better service delivery," he said.

Another community member, who was excited about the day, was Martha Thusi from Soweto who said voting is about honouring the past and reaffirming the country's democratic future.

"I could not just sit and not vote. We might have challenges as a country but after 22 years of freedom - a lot has been done. In my area for example we have most of the basic services. We have schools, clinics, libraries and shopping malls," she said.

Her only wish was that the new councillor continues with the delivery of services.

Despite these, Thusi acknowledged that there were still challenges facing local government but was also of the view that voting is more effective than service delivery protests. **V**



Better access to medication

Page 4




More homes for Etwatwa community

Page 6

ICT can help improve SA

Page 9



President Jacob Zuma casting his vote.

Voting in numbers

- Over 73 million ballot papers were printed.
- 4 649 unique ballot papers representing political parties and independent candidates.
- A record of 200 parties and 61 014 candidates contested the Municipal Elections. This was approximately 65 percent more parties and approximately 12 percent more candidates than the previous municipal elections held in 2011.

ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za
www.vukuzenzele.gov.za
 E-mail: vukuzenzele@gcis.gov.za
 Tel: (+27) 12 473 0179

Free Copy

Phumantsho e betere ya meriana

Nonkululeko Mathebula

MaAforika Borwa haufinyana a tla fumana meriana ya ona ka mokgwa wa ho iphumantsha tshebeletso ka “mokgwa wa metjhini ya ATM” ho na le ho ya di-khemising.

Sena ke ka lebaka la bophato pakeng tsa Lefapha la Bophelo bo Botle le mogkatlo wa *Right to Care*.

Leha sena se so thakgolwe semmuso, Yuniti ya Khemisi ya Phano ya Meriana (PDU) ya maemo a hodimo hajwale e a sebetsa Sepetleleng sa Helen Joseph, Alexandra, ho la Johannesburg le ho Sepetlele sa Steve Biko ho la Pretoria.

Sepheo sa thekenoloji ena e ntjha ke ho fokotsa mela e melelele, ho ntlafatsa phano ya ditshebeletso le ho fana ka tsamaiso ya tlhokomelo ya kalafo ya boleng.

Ha a ne a buisana le *Vuk'uzenzele* nakong ya ketelo Sepetleleng sa Helen Joseph, David Molele,

ya sebetsang ka tshebediso ya diroboto le tshebetso ya tshebediso bakeng sa *Right-e pharmacy*, o itse motjhini ona o tla fokotsa mathata a tsamaiso.

“Tsamaiso ena e amohe-tsweng ka mofuthu ke ba e sebedisitseng ho fihlela mona, e fokoditse nako ya ho ema dikahong tsa puso.

“Tsamaiso ena e entse hore nako ya ho ema ha o latile meriana e fokotswe ho ya

“Tsamaiso ena e entse hore nako ya ho ema ha o latile meriana e fokotswe ho ya mahareng a metsotso e 15 le e 20”

mahareng a metsotso e 15 le e 20 mme seo ke seo re se batlang,” ho ile ha rialo Molele.

PDU e sebetsa jwalo-ka motjhini wa banka wa ATM. Ho fumantshwa meriana ya bona, bakudi ba tla tshwanelwa ke hore pele ba

ingodisetse tshebeletso ena. Mohato o latelang e tla ba wa ho fumantshwa karete e tshwanang le ya banka. Ho “hula” meriana ya bona, bakudi ba tla tshwanela hore feela ba kenye karete ka hara motjhini wa PDU, ba kenye PIN mme ba kgethe moriana oo ba o batlang ho tswa lenaneng la meriana ya bona e laetsweng ke ngaka.

Ho ya ka Molele, sepheo ke hore tsamaiso ena e fumanehe dibakeng tse kang ditsi tsa mabenkele le ditse-leng tsa ditekesi ho dumella bakudi ho fihlella meriana ya bona ha bobebe ha ba e hloka.

Tsamaiso ya ATM e se e ntse e fumaneha Alex Plaza, Alexandra, Setsing sa Mabenkele sa Ndofaya, Soweto, hammoho le Diepsloot.

Ho fumana meriana ka tselena ena ho ka etsa hore ho be bobebe bakeng sa batho ba fuwang kalafo ya HIV ho fumana meriana ya bona.

Ha a ne a fana ka puo Pitsong ya Matjhaba ya AIDS e neng e tshwaretse Durban



Yuniti ya Khemisi ya Phano ya Meriana e tla neha bakudi phumantsho ya tlhokomelo ya kalafo ya boleng.

haufinyana tjena, Letona la Bophelo bo Botle Aaron Motsoaledi le itse Aforika Borwa e tsamaisa lenaneo le leholo ka ho fetisisa la kalafo ya HIV lefatsheng.

“Palo ya bakudi ba tholang kalafo e tlohile ho 400 000 ho isa ho ka hodimo ho 3.4 milione dilemong tse mashome a mararo. Leha ho le jwalo, palo ya basebeletsi

ba kalafo ha e tsamaelane le keketseho e teng, e leng seo hangata se etsang hore bakudi ba nyahame le ho se ikamahanye le kalafo e nepahetseng.

“Kahoo ke tshwanelo hore re amohele mekgwa yohle e teng ho etsa hore ho be bobebe bathong ho tswela pele ka kalafo,” ho ile ha rialo Letona Motsoaledi. **V**

Tsamaelano ya mooko e fana ka tshepo

Noluthando Mkhize

Kankere ya madi e fetotse bophelo ba Sibongile Mkhwanazi (21) haholo dilemong tse hlano tse fetileng.

O ne a dula le mme wa hae Kroonstad, ho la Foreistata, ha maemo a hae a ne a popolwa.

“Bophelo ba ka bo ile ba fetoha ha bohloko. Ke ile ka tlohela ho ba morwetsana ya tshwanang le ba bang ha ke bolellwang hore ke na le lefu le kotsi.

“Ke ne ke na le dihlobo sefahlehong mme di ile tsa qala ho ruruha. Di ile tsa qholotsa mme wa ka hore a batle thuso ya bongaka. Hape ke ile ka fokola le tshebetso ya ka sekolong e ile ya ameha kahoo ke ile ka tlohela ho ya sekolong.”

Kamora ho popolwa hore o na le kankere ya madi Sibongile o ile a kena sepetlele bakeng sa dikgwedi tse tsheletseng. Nakong ena o ne a hloka tshepo.

“Ke ne ke ikutlwa ke fapane haholo le bana ba bang sekolong sa heso mme hape ke ne ke sa kgone ho mamella ho

bona pelo ya mme wa ka e le bohloko hakana.”

Selemo ka seng dikete tsa maAforika Borwa ha di popolwa di na le kankere ya madi, e leng kankere e neng e nkuwa e le kotsi pele.

Matsatsing ana kankere ya madi e alafuwa ka katleho e holang. Sena ke ho ya ka Ngaka Guni Goolab Mohlanka ya ka Sehloohong wa Sekema sa Thuso ya Bongaka sa Basebeletsi ba Mmuso (GEMS).

Ngaka Goolab o itse ntshe-tsopele ya moriana wa kankere e tswetse pele hona hoo kankere ya madi le kankere tse ding tsa madi di se di sa nkuwe jwaloka mafu a bolayang.

“Sekgahla sa ho phela ho tswa ho kankere ya madi e kotsi ya ditemetwane, e leng e nngwe ya dikankere tse tlwaelehleng bongwaneng, se phahame ho tloha ho 3% ho ya ho tse akanngwang ho 90% dilemong tse 40 tse fetileng ka thuso ya kalafo e ikgethang e kang phethisetso ya mooko, e leng se thusang ho hlwekisa disele tsa kankere mmeleng wa mokudi,” ho ile ha rialo Ngaka

Goolab.

Sibongile o ntse a tsamaya ditlathobho mme dingaka di mo file tshepo yena le mme wa hae.

“Haufinyana tjena dingaka di ntsebisitse hore di fumane mofani wa mooko mme jwale ba lokisetse mmele wa ka bakeng sa ho sehwa.”

Ho batho ba tshwerweng ke kankere ya madi, phethisetso ya sele ya mooko hangata ke yona feela tshepo ya ho phela. Mona ke moo mekgatlo e

kang *Sunflower Fund* e thusang.

Sunflower Fund ke mekgatlo oo e seng wa mmuso (NGO) o iteletseng ho hodisa Boingodiso ba Mooko ba Aforika Borwa ka ho hlalisa matlole a hlokalang bakeng sa ho lefella diteko tsa ditlhokahalo tse tsamaelanang le tsa bakudi ba kankere.

Menyetla ya ho fumana mooko o tsamaelanang e tlase – ke feela moo motho a le 1 ho ba 100 000 ba tla tsamaelanang. Sena ke hobaneng *Sunflower*

Fund e sebetsang ho kgothaletsa maAforika Borwa oohle ho kenela boingodiso ba Mooko.

Ho kenela boingodiso ho bobebe mme ho kenyeletsa feela ho nka sampole ya madi ho tiisetse haeba o ka nna wa ba le motho ya nang le bokgoni ba ho tsamaelana le mokudi wa nako e tlang.

Sibongile o kgothaleditse maAforika Borwa oohle ho ithuta ka kankere ya madi mme ba baballe maphelo.

“Ke rata ho ipiletsa ho maAforika Borwa ho ithuisa ka tsebo ka kankere ya madi bakeng sa ho boloka maphelo a ba bangata.” **V**

Na o ne o tseba?

- Dikgabana feela tse pedi tsa madi di a hlokalala ho ingodisa jwaloka mofani.
- Ho nyehela ka mooko ho sa le bohloko ho feta ho fana ka disele tsa madi.
- O lokela ho ba mahareng a dilemo tse 18 le tse 50 le ho bekga 50kg hore o be mofani.
- Monyetla wa ho fumana mofani ke 1 hara batho ba 100 000.
- Motho a le mong ho maAforika Borwa a 100 000 o tla fumanwa a na le kankere ya madi.
- Kankere ya madi ke tlhahiso e fetang tekano ya disele tsa madi tse tshweu tse nang le mathata tse tlosang disele tse kgubedu le tse tshweu tse matla le dipolateletse mme di fokodisa mmele.

Ha o batla ho tseba haholwanyane Letsetsa nomoro e sa lefelloweng ya *Sunflower Fund*: 0800 121 082 hore o be mofani, kapa etela www.sunflowerfund.org.za

*** Tlaleho ya tlatsetso etswa ho Sekema sa Bongaka sa Basebeletsi ba Mmuso.**

Matlo a mang bakeng sa badudi ba Etwatwa

Nonkululeko Mathebula

Badudi ba Combi-za Extension 35 Etwatwa, Ekurhuleni, jwale ke beng ba matlo a shebahalang ba motlotlo.

Matsatsi a ho dula mekhukhung le dikamoreng tse hirilweng matlong a fetile ha Meyara wa Phethahatso ya tlohelang marapo wa Masepala wa Motsemoholo wa Ekurhuleni Mohlomphehi Mondli Gungubele le Setho sa Komiti ya Meyara (MMC) ya Bodulo ba Batho Aubrey Nxumalo ba fana ka matlo a 70 ho badudi ba sebaka seo. Ha a ne a bua nakong ya phano Gungubele o itse matlo a ya shebahala mme a tla fa badudi seriti se itseng.

“Jwaloka motsemoholo re fana ka matlo ana a matjha ho bakgolamolemo ba tshwanelehang, jwaloka karolo ya lenaneo la bodulo.

“Re rerile ho aha matlo a mang a 8 000 qetellong ya selemo sena sa ditjhelete mme re kgothaletsa beng ba batjha

ba matlo ho boloka dibaka tsa bona di hlwekile mme ba se ahe mekhukhu matlong a bona,” o ile a rialo.

Matlo a na le diphaposi tse pedi tsa ho robala, e le nngwe

“Jwale nka dula ka hara ntlo ya ka ka kgotso ntle le ho ngongoreha ka se tla etsahala ka thepa ya ka ha pula e na.”

ya ho hlapela, moralo o bulehileng wa kitjhene le lontjhe. Tulo e ntjha e tla ba le ditsela tsa sekontiri, motlakase, tsamaiso ya dikgwerekgwere, diphaka tsa boikgathollo, ditsha tsa ntshetsopele ya bana ba lokisetswang sekolo le phumantsho ya dikaho tsa dipalangwang tsa setjhaba, tse kang maemelo a ditekesi.

E mong wa bakgolamolemo Petrus Mashego (45) esale a dula mokhukhung dilemong



Pertunia Mnyakeni ke monga ntlo ya thabileng. O bonwa mona le MMC Aubrey Nxumalo ka ho le letshehadi le Meyara wa Ekurhuleni Mondli Gungubele.

tse 22 tse fetileng.

“Ke thabile haholo, ho nna sena ekare ke toro. Jwale nka dula ka hara ntlo ya ka ka kgotso ntle le ho ngongoreha ka hore ho tla etsahalang haeba pula e ka na,” o ile a rialo.

Nxumalo o boleletse Vuk'uzenzele hore tsela ena e tsamaelana le ho phetha

thomo ya mmuso.

“Ha re ne re kgethelwa ho nka matla mmusong wa lehae ka 2011 re entse boitlamo ho batho ba bo rona hore dintho di tla fetoha mme re tla aha bophelo bo botle bakeng sa bohle.

“Ka lebaka leo re ahile matlo a fetang 300 Combiza mme matlo a mang a tla ahu-

wa le ho fanwa dibakeng tse fapaneng ka hara motsemoholo. Sena ke morero wa ho tswela pele ho ho fana ka seriti ho batho ba bo rona,” ho ile ha rialo Nxumalo.

O tlatseeditse ka hore maqheku, batho ba phelang ka boqhwalala le malapa a eteletsweng pele ke bana a behilwe ka sehloohong. **V**

Matlo bakeng sa batho ba Thoyane

Thandeka Ngobese

Malapa a neng a tinnngwe menyetla pele a Masepala wa Lehae wa Vulamehlo KwaZulu-Natal jwale a dula matlong a shebahalang, sena ke ka diteboho ho Lefapha la Bodulo ba Batho la KwaZulu-Natal.

Porojeke ya R161 milione ya matlo bakeng sa batho ba Thoyane e ile ya fanwa ke Setho sa Lekgotla la Phethahatso (MEC) wa Bodulo ba Batho le Mesebetsi ya Setjhaba Ravigasen Pillay hau-finyana tjena. Matlo a 1 500 a etsa karolo ya Lenaneo le Pharaletseng la Ntshetsopele ya Dibaka tsa Mahae le reretsweng ho tobana le ntshetsopele e tlase, poloko ya dijo, tlhokahalo ya mesebetsi, bofuma le mathata a mang a kahisano a seng a tshwana le dibaka tsa mahae.

E mong wa bakgolamolemo Ntombizonke Maphumulo (52) o boleletse Vuk'uzenzele hore ha a sebetse mme ha a kgone ho ikahela ntlo.

“Ke motswadi ke le mong ka bana ba bararo le setloho-



Meyara wa Phethahatso wa Masepala wa Vulamehlo Mohlomphehi Thabani Dube le MEC wa Bodulo ba Batho le Mesebetsi ya Setjhaba Ravigasen Pillay ba fana ka ntlo ho Ntombizonke Maphumulo.

lo se le seng. Kaofela ha ba sebetse mme ya monyane ka ho fetisisa o ntse a kena sekolo. Re phela ka tjhelete ya mmuso ya dithuso tsa bana.

Re leboha mmuso ka ho re fa ntlo e nang le seriti,” o ile a rialo.

MEC Pillay o itse mmuso wa porofense o se o ahile matlo a fetang 800 000 ho tloha ka 1994 le ho hlahisa menyetla e 80 000 ya bodulo ka ditsha tse fuweng ditshebetso.

“Re tseba moo re tswang teng e bile re tseba hantle moo re yang teng. Mmuso ona o na le moralo mme o itlamme ho etsa bonnete ba

“Esale ke na le toro ya ho ba le ntlo e nang le seriti ka letsatsi le leng.”

hore moralo oo o phethahala ka botlalo.” o ile a rialo.

O tlatseeditse ka hore Po-

rojeke ya ho Aha Matlo a Dibaka tsa Mahae ya Thoyane e bontshitse boitlamo ba mmuso ba ho hlahisa bodulo ba batho ba moshwelella.

“Bakeng sa dilemo tse tharo tse tlang, ho fihlela ka selemo sa 2019, re itlamme ho fana ka menyetla ya bodulo e milione bakeng sa malapa a lokelang metseng ya ditrope le ya mahae.

“Hape re na le porojeke e nngwe e bitswang Porojeke

ya Vulamehlo ya Diwate 5 le 7 ya Bodulo ba Dibaka tsa Mahae. Porojeke ena ya R215 milione e tla tswela molemo batho ba 2 000 ka hara diwate tsena tse pedi.”

Mokgolamolemo e mong Nomvula Nzimakwe (47) o boleletse Vuk'uzenzele hore toro ya hae qetellong e phethahetse. “Esale ke na le toro ya ho ba le ntlo e nang le seriti ka letsatsi le leng. Ke dutse ka hara mokhukhu ka dilemo tse 10. Matsatsing ao pula e neng e na ke ne ke robala hodima metsi. Marulelo a ne a nela hohle mona. Re leboha mmuso ka ntlo ena e tla tlisa seriti ho lelapa la ka,” o ile a rialo.

Porojeke ya ho Aha Matlo a Dibaka tsa Mahae ya Thoyane hape e hlahisitse mesebetsi e fetang e 400.

Meyara wa Phethahatso wa Vulamehlo Mohlomphehi Thabani Dube o itse mmuso o phetha ditshepiso tsa ona.

“Batho bohle ba lokelang ba tla thola matlo. Sena ke mkgahlelo wa pele wa porojeke mme mkgahlelo wa bobedi o motjheng jwaloka ha MEC a boletse,” o ile a rialo. **V**